

歷代石經考

歷代石經考

歷代石經考

張國淦著

民國十九年十二月

燕京大學國學研究所印行

翻邦可取

入國大元

東國全書

東國全書

歷代石經考例言

困學紀聞謂石經有七漢熹平則蔡邕魏正始則邯鄲淳晉裴頠唐開成中唐玄度後蜀孫逢吉等本朝嘉祐楊南仲等中興高廟御書是於漢魏之後有晉裴頠考晉書頠傳頠奏修國學刻石寫經第見頠奏未果刻石故今日言石經者不數晉裴頠也南宋以後清乾隆朝石刻蔣衡書十三經於辟雍茲考於漢魏唐後蜀北宋南宋益以有清計七朝

自來言石經者一考原流一考文字其考原流者如顧氏炎武石經考萬氏斯同石經考杭氏世駿石經考異桂氏馥歷代石經略瞿氏中溶漢石經考異補正劉氏傳瑩漢魏石經考等皆是也其考文字者如黃氏伯思東觀餘論書論語字洪氏适隸釋隸續諸經殘碑字顧氏炎武唐國子學石經翁氏方綱漢石經殘字考孫氏星衍魏三體石經殘字考嚴氏可均唐石經校文王氏昶後蜀毛詩石經殘字吳氏騫蜀石經毛詩考異馮氏登府石經考異近人王氏國維魏正始石經殘石考章氏炳麟

新出三體石經考等皆是也茲考別爲第一二編第一編考原流第二編考文字原流以朝代爲次文字以正經爲次

石經殘闕者漢魏後蜀北宋南宋凡五完整者唐清凡二漢石經周易尙書魯詩儀禮春秋公羊傳論語一字隸書魏石經尙書春秋左氏傳莊公中葉止三字古篆隸書

書古文於上以篆隸釋之

蜀石經周易尙書毛詩周禮儀禮禮記春秋左氏傳公羊傳穀梁傳

孝經論語爾雅孟子真書北宋易詩書周禮禮記春秋孝經論語孟子真篆二體書南宋易書詩春秋左傳禮記中庸大學學記儒行經解五篇真書論語孟子行書至現存之唐石經舊唐書謂其蕪累然去古未遠猶爲純備清石經周易據古本離上下經與十翼爲二與通行十三經周易王弼注本不同今日板本有宋以後輾轉傳刻援證石經皆足是正譌誤近年洛陽新出土殘石合今本校讀多識古義所得魯詩殘字篇第章次與毛詩不同尤爲向來治三家詩者所未知是石經與經學關繫最巨若如顧千里云石經爲金石家所重於經學無裨益識者故謂澗濱失言也

考證之學非可憑空結撰石經除有專書外其散見於諸家論著者異同得失皆足互證茲考擬一一蒐集就編次體例各爲段落求其根據至不得不刪節原文重複語句以明其所自來

考後附引用書目僅欲知原本云云自可檢閱

計茲考成於丙寅迄今四載偶得一書

稿輒更易其所未見者正復不知凡幾即就新出土漢石經言之去歲孫氏壯合諸家所得有集拓本今歲羅氏振玉益以巾笥所藏並所續得在集拓外者有集錄續錄三錄本茲考據諸家所集者隨得隨補截至本年十一月止彙成此編邇聞徐氏鴻寶馬氏衡吳氏寶煒又有所得擬仿集拓本賡續印行洛陽殘石尙時有發見者皆未能寓目惟有於異日續編增入之非茲考之所能罄也已巳十一月蒲圻張

國淦識



歷代石經考第一編目

漢石經

魏石經

正始石經大學僞本附

唐石經

玄宗石臺孝經 清賈漢復補刻孟子附

蜀石經

晁公武古文尙書附

北宋石經

太宗草書孝經 楊南仲三體孝經附

南宋石經

高宗真草書孝經附

清石經

歷代石經一覽表

七朝以外石經附

石經

石經

石經

南宋石經 高宗皇帝書本

北宋石經 太宗皇帝書本

石經 景宗皇帝書本

石經 高宗皇帝書本

石經 五世石經大學

石經

石經

漢石經考提綱

漢石經刊始於漢靈帝熹平四年。注一立石於光和六年。注二曰熹平石經。注三又

曰一字。注四又曰今字石經。注五又曰鴻都石經。注六

經數爲周易尙書魯詩儀禮春秋。又公羊傳論語。注七

諸經皆當時學官所立。以一家本爲主。兼存諸家異同於後。易有施孟梁丘京氏四家。書有歐陽大小夏侯三家。禮有大小戴二家。今無可考。其可考者。詩用魯詩本。有齊韓二家異字。公羊傳用嚴氏本。有顏氏異字。論語用某本。有盍毛包周諸家異字。注八

經石六十四枚。注九每石三十五行。行約七十字至七十八字。注十其格式亦不一

律。注十一表裏刻字。每石皆倍其數。注十二周易二萬四千四百三十七字。尙書一

萬八千六百五十字。魯詩四萬八百四十八字。儀禮五萬七千一百一十一字。春秋經

一萬六千五百七十二字。公羊傳二萬七千五百八十三字。論語一萬五千七百一

十字。注十三都計約二十萬九百十一字。

書石者爲蔡邕等。今殘碑有名者。禮記爲馬日磾。蔡邕。公羊爲堂谿典。馬日磾。趙陝。

劉弘。張文。蘇陵。傅楨。論語爲左立。孫表。注十四後記有名者。爲劉寬。堂谿典。又口韶。

張珖。周達。尹弘。李巡。又傅彌。孫進。又陳懿。注十五同奏正定六經文字者。爲劉寬。堂

谿典。楊賜。馬日磾。張馴。韓說。單颺。及盧植。楊彪。注十六與諸儒共刻五經文字者。爲

宦者李巡。注十七鐫石者爲陳興。注十八

字體爲一字隸書。注十九

經石立洛陽城南開陽門外太學講堂前。悉在東側。西南東行。注二十碑高一丈許

廣四尺。注二十一

經漢董卓之亂。注二十二魏黃初後。補其缺壞。注二十三晉永嘉時。悉多崩毀。注二十四

十四。迨北魏馮熙常伯夫相繼爲洛州刺史。廢毀分用。注二十五東魏武定四年。自

洛陽徙鄴。值河陽岸崩。多沒於水。注二十六北齊天保皇建閒。施列學館。注二十七

北周大象元年復自鄴徙洛陽注二十八隋開皇六年又自洛陽徙長安因亂廢爲

柱礎注二十九

唐貞觀初魏徵收集石經十不存一注三十其殘石在洛陽者唐時造防秋館穿地

多得之注三十一宋嘉祐中洛陽御史臺中得尙書儀禮論語數十段長安得公羊

一段張燾家有十版張氏壻家有五六版王晉玉家有小塊今皆不存注三十二近

年在洛陽故城所得者北京大學二石吳興徐鴻寶四十四石鄞馬衡十六石固始

吳寶煒二石膠柯昌泗三石閩陳承修二石大興黃某一石不知誰氏二石共殘石

七十二塊注三十三又北海圖書館二石馬衡一石柯昌泗十五石上虞羅振玉五

石建德周進四石武進陶祖光十五石不知誰氏八石又二百七十二石共殘石三

百二十二塊注三十四洛陽又新出殘石若干塊注三十五

其拓本唐初傳拓之本猶在祕府注三十六中宗以後頗已散佚注三十七開元中

御府所藏者有開元二字小印注三十八宋時鄧堯卿有洛陽拓本注三十九黃伯

思有洛中拓本。注四十趙明誠有尚書公羊傳論語詩儀禮遺字。注四十一胡宗愈

有成都故家殘本。即鑄西樓底本洪适有魯詩尚書儀禮公羊論語殘本。即鑄蓬萊閣底本

注十三石熙明有拓本。即鑄越州底本一云即洪氏本元時吳萊有王魏公家拓本。注四十五

近年洛陽出土殘石。有徐鴻寶諸家拓本。注四十六大興孫壯集拓本。注四十七羅

振玉集錄雙鉤本。注四十八

其重刻者。有胡宗愈成都西樓本。注四十九洪适會稽蓬萊閣本。注五十石熙明越

州本。注五十一靖江王府本。注五十二今俱不存。注五十三

其重刻拓本。元時有尚書論語三段。鈐蒙古文印。清時歸江都馬日琯。由漢軍董元

鏡歸錢唐黃易。又歸南匯沈樹鏞。後由漢陽萬航歸滿洲端方。有謂即洪氏本明時

趙殿撰家有遺字三卷。注五十五鄒平張氏北平孫氏有兩拓本。孫氏本歸華亭王

鴻緒。後歸陽湖孫星衍。又歸沈樹鏞。後亦由萬航歸端方。有謂即石氏本丹徒蔡嘉

有拓本。歸儀徵阮元。又歸南湖漁者。後亦歸端方。有謂即洪氏本今俱歸滿洲衡永。

注五十八 胡氏本未見拓本。注五十九

其自拓本摹刻者。有如皋姜任修本。即孫氏硯山齋北平翁方綱小蓬萊閣本。即黃

並孫氏本凶德綏績四南昌縣學本。即黃易本並錢泳雙錢唐黃易會稽蓬萊閣本。即黃

蒙古文印本注六十三海鹽張燕昌石鼓亭本。即黃易本漢軍李亨特紹興府學本。即翁氏

學本注六十五陝西申兆定關中碑林本。即黃易本南皮張之洞武昌重刻本。注六十

七



漢石經考

蒲圻張國淦編

漢石經刊始於漢靈帝熹平四年。注一立石於光和六年。注二曰熹平石經。注

曰一字。體一石經。注四又曰今字石經。注五又曰鴻都石經。注六

注一後漢書靈帝紀熹平四年春三月詔諸儒正定五經文字刻石立於太學門外。

又蔡邕傳邕以經籍去聖久遠文字多謬俗儒穿鑿疑誤後學熹平四年乃與五官中郎將堂谿典光祿大夫楊賜諫議大夫馬日磾議郎張馴韓說太史令單颺等奏求正定六經文字靈帝許之邕乃自書丹於碑使工鐫刻立於太學門外於是後儒晚學咸取正焉碑始立觀視及摹寫者車乘日千餘輛填塞阡陌

又宦者呂強傳時宦者汝陽李巡以爲諸博士試甲乙科爭第高下更相告言至有行賂定蘭臺漆書經字以合其私文者迺白帝與諸儒共刻五經文於石於是